



LOKALNO PARTNERSTVO ZA ZAPOŠLJAVANJE – NOVI GRAD SARAJEVO

Osnovne informacije

Aktivnost: IT, saobraćaj, vizuelne komunikacije, njega tijela

Lokacija: Novi Grad Sarajevo

Članovi partnerstva:

- Općina Novi Grad Sarajevo (ONG) – vodeći aplikant/vođa aktivnosti
- Služba za zapošljavanje Kantona Sarajevo (SZZKS)
- Srednja elektrotehnička škola Sarajevo (SEŠ)
- Centar za razvoj socijalnog poduzetništva (CRSP)
- Centrotrans Eurolines d.d. Sarajevo (CT)
- Mistral Technologies d.o.o. Sarajevo (MT)
- Cebos d.o.o. Sarajevo (CBS)
- Herbal Spa d.o.o. Sarajevo (HS)

Vrijednost aktivnosti: 186.735 EUR (sredstva EU: 168.061,50 EUR)

Vrijeme provođenja aktivnosti: maj 2017. – decembar 2018.

Cilj: Profesionalno usavršavanje 55 nezaposlenih uključujući žene, mlade, osobe sa invaliditetom i lica nezaposlena duže od dvije godine za rad u oblasti IT-ja, saobraćaja, vizuelnih komunikacija i pružanja sofisticiranih usluga njege tijela te zapošljavanje njih 17, i uspostavljanje održivog Centra za inovacije i poduzetništvo u oblasti IT-a pri Srednjoj elektrotehničkoj školi Sarajevo i obuka 30 učenika u toku provedbe projekta.



OPIS

Potencijal za zapošljavanje u oblasti IT-ja, saobraćaja, vizuelnih komunikacija i njege tijela

Prema službenim podacima SZZKS, na području Općine Novi Grad Sarajevo postoji potražnja za kadrovima u oblastima IT-ja, saobraćaja, vizuelnih komunikacija i pružanja sofisticiranih usluga njege tijela ali radna snaga nema potrebne kompetencije i vještine za obavljanje poslova shodno savremenim principima i potrebama tržišta, te novim tehnologijama. Nadalje na području Općine posluju četiri preduzeća koji su lideri u ovim industrijama (CT, MT, CBS i HS) i čiji razvoj poslovanja zahtjeva dodatnu radnu snagu.

Prevazilaženje prepreka zapošljavanju

Lokalno partnerstvo za zapošljavanje Novi Grad Sarajevo u svom sastavu ima četiri preduzeća: Centrotans Eurolines d.d., Mistral Tehnologies d.o.o., Cebos d.o.o. i Herbal spa d.o.o. koji imaju jasno izražene potrebe za dodatnom radnom snagom i koji imaju specijalizovano osoblje koje može nezavisno raditi na profesionalnom usavršavanju potencijalnih novih uposlenika tako da će im Partnerstvo u ovom pogledu pomoći kroz nabavljanje potrebne opreme za programe profesionalnog usavršavanja.

S obzirom na rast IT sektora, Partnerstvo će također uspostaviti Centra za razvoj inovacija i poduzetništva u oblasti IT-ja pri SEŠ-u u kojem će CRSP pružati obuku za mlade i time ih pripremati za zapošljavanje i samozapošljavanje kroz podsticanje poduzetništva i razvoja IT inovacija.

Kako će se aktivnosti provoditi

- Javni poziv i odabir korisnika

Odabir korisnika aktivnosti partnerstva će se obaviti kroz četiri javna poziva koje će objaviti SZZKS i ostali članovi Partnerstva – jedan za obuku 15 nezaposlenih u CSB (njih 10) i HS (njih 5), jedan za obuku 20 nezaposlenih u CT i jedan za obuku 15 nezaposlenih u MT. Četvrti poziv će se odnositi na dodatnu obuku u HS za 5 nezaposlenih.

Korisnike će zajedno izabrati SZZKS, CBS, HS, CT, MT u skladu sa potrebnim predznanjima. Prednost u odabiru korisnika će imati žene, mladi, osobe sa invaliditetom i lica nezaposlena duže od dvije godine.

Prvih 30 učenika koji će proći obuku u Centru za razvoj inovacija i poduzetništva u oblasti IT-ja pri SEŠ-u će biti učenici trećih i četvrtih razreda SEŠ-a koji pokažu poseban interes za inovacije i poduzetništvo.



Nabavka opreme

Za potrebe profesionalnog usavršavanja 55 korisnika aktivnosti Partnerstva, preduzeća CT, MT, HS i CBS će u okviru vlastitih procedura nabavljati alate, odijela i repromaterijale neophodne za rad nezaposlenih u procesu obuke.

Oprema koju će Partnerstvo nabaviti za potrebe uspostavljanja Centru za razvoj inovacija i poduzetništva uključivaće 16 lap-top kompjutera, 3 desk-top kompjutera, 15 arduino uređaja, 10 kompleta alata (lemilice, odvijači i sl.), te prateće rutere i mrežne kablove. Nakon opremanja u Centru će biti 15 radnih pozicija za rad u grupama.

- Provođenje programa obuke

Projekat će omogućiti nezaposlenim (njih 55) da pohađaju programe za profesionalno i stručno usavršavanje u trajanju od dva do četiri mjeseci u CT, MT, HS i CBS. Programe će sačiniti i provoditi stručna i iskusna lica/treneri iz partnerskih preduzeća u savremeno opremljenim kapacitetima preduzeća koja su među najkonkurentnijim u regionu u oblasti pružanja usluga u sektoru saobraćaja - Centrotrans Eurolines - (vozač autobus, automehaničar, autoelektričar, inženjer saobraćaj, inženjer mašinstva), vizuelnih komunikacija - Cebos - (obuka na programima za grafički dizajn i opremi za izdaru reklamnih panoa), IT-a - Mital Technologies - (programiranje i razvoj software) i sofisticiranih usluga za njegu tijela - Herbal Spa - (manikir, pedikir, parna kupatila, njega lica i sl.).

Krajnji korisnici obuke koju će u Centru za razvoj inovacija i poduzetništva u oblasti IT-ja pružati CRSP - 30 nadarenih učenika završnih razreda Srednje elektrotehničke škole - će usavršiti njihova znanja u oblasti primjene inovacija u poduzetništvu iz oblasti IT-ja kroz radionice i treninge koje im inače ne pruža redovni školski program. Najuspješniji učenički projekti će kroz takmičarsku praksu dobiti finansijska sredstva za izradu makete inovacije u vidu maturalnog rada.

- Zapošljavanje

Četiri partnerska preduzeća će od 55 polaznika obuke zaposliti njih 17 koji pokazuju najviši stepen primjene znanja, vještina i odgovornosti u praktičnom radu tokom obuke. Svi zaposleni će zasnovati stalni radni odnos.

- Održivost aktivnosti i zaposlenja

Po završetku provođenja aktivnosti u sklopu projekta Podrška lokalnim partnerstvima za zapošljavanje u Bosni i Hercegovini, Lokalno partnerstvo za zapošljavanje Novi Grad Sarajevo će nastaviti djelovati kao trajna programska aktivnost ONG-a i SZKS-a. Partnerstvo će također razviti plan zapošljavanja na nivou Kantona Sarajevo za period 2018 - 2020 i time postaviti osnove za replikovanje principa partnerstva u drugim općinama Kantona.

Centar za razvoj inovacija i poduzetništva u oblasti IT-ja će nastaviti funkcionisati kroz saradnju SEŠ-a i CRSP-a dok će učenici koji prođu obuku u Centru biti u boljoj poziciji da pokrenu vlastite biznise ili da



Ovaj projekat finansira Evropska unija



LOKALNA PARTNERSTVA
ZA ZAPOŠLJAVANJE
U BOSNI I HERCEGOVINI



International Labour Organization

se zaposle u IT kompanijama nakon završenog školovanja. Isto tako, i 38 nezaposlenih koji prođu obuke u partnerskim preduzećima, a ne budu odmah zaposleni, će postati konkurentniji na tržištu rada i biće spremniji pokrenuti vlastite biznise.

Partnerstvo će tokom provedbe aktivnosti uspostaviti i web stranicu koja će za potrebe Partnerstva nastaviti funkcionisati i nakon provedbe projekta i biće izvor informacija o novim inicijativama Partnerstva.

LOKALNA PARTNERSTVA ZA ZAPOŠLJAVANJE
U BOSNI I HERCEGOVINI

Projekat „Podrška lokalnim partnerstvima za zapošljavanje u Bosni i Hercegovini” je dio EU Programa za lokalni razvoj i zapošljavanje kojeg Evropska unija finansira sa 19 miliona eura. Tri projekta koja djeluju u okviru ovog Programa će do januara 2019. godine provoditi UNDP, GIZ i ILO kao bi podržali ekonomski oporavak područja pogođenih poplavama, lokalni ekonomski razvoj i aktivnosti lokalnih nevladinih organizacija usmjerenih ka društvenom razvoju i oporavku, te kako bi razvili strukturalne mjera za povećanje zapošljavanja putem lokalnog integrisanog razvoja.

Fra Anđela Zvizdovića 1, B/XII,
71000 Sarajevo, Bosna i Hercegovina
tel: + 387 33 29 57 36
fax: + 387 33 29 57 41
e-mail: lep@ilo.org
facebook.com/LEPSupport/
twitter.com/LEPSupport
www.partnerstvo.ba